



UNIVERSITÄTS-
BIBLIOTHEK
PADERBORN

**Cogitationes, Sive Considerationes Christianae Pro
singulis Anni diebus**

Complectens Januarium, Februarium, Martium

Nepveu, François

Monachii, 1709

Dies 9. De Inferno. De pœnarum æternitate.

[urn:nbn:de:hbz:466:1-60495](https://nbn-resolving.de/urn:nbn:de:hbz:466:1-60495)

24 *Considerationes Christianæ*

Januarius.

Sophon. I.

Prov. 4.

Job. 9.

sa, nimurum animæ justissimæ indignationem meam non effugient. sunt viæ, inquit spiritus sanctus, quæ Videntur homini justæ; interea deducunt ad infernum. Job propter opera sua sanctissima trepidabat; idcirco, quod Deus illorum futurus esset iudex, metuebat sibi, ne Deus inveniret aliquid, cuius ipsum condemnaret in omnibus illis, quæ ad se purgandum esset al-laturus. Si vir tam justus trepidabat, cur nos, qui grandium sumus peccatorum rei, adeò tranquilli sumus?

Præverte hujus examinis & judicij severitatem, sollicitè temetipsum examinando, & rigidißimè judicando.

Iusticias judicabo. Psal. 74. v. 3.

Væ etiam laudabili vitæ hominum, si remorâ misericordiâ, discutias eam. Aug.

D I E S IX.

De inferno.

De penarum aeternitate.

I.

MAXIMA mala, si brevia sunt, modica re-pntrari debent. At mala levissima grandia evadunt, si diurna sunt. si ve-ro sunt æterna, mala sunt infinita. Quan-tum

eum igitur malum erit universorum malorum congeries continua, & in seipsa acerba infinitè, si insuper sit æterna? exaggera damnatorum supplicia, quantumcunque voles. Extende spatiū diutinitatis eorum, quousque cogitatio tua pertingere poterit. Si ex ijs æternitatem demas, infernus amplius infernus non est. Infelices isti amplius damnati dicendi non sunt, quia amplius non desperant. Aufferè contrario damnatorum turbæ magnam suppliciorum partem, si æternitatem ijs non demas, infernus semper perseverabit, & quantumvis pænæ imminuantur, semper tamen damnati, semper extremè infelices suūt; quia tales æternūm erunt.

II. Æternitas omnibus damnatorum supplicijs sociatur. Hæc omnem eorum acerbitatē summopere acuit. Si persuadere sibi possent, miseriam æternūm non duraturā, vel si saltem hujus æternitatis ad momentum oblivisci possent, eo ipso momento damnati esse cessarent. Æternitas alicui damnato est veluti globus immensus, sub cuius pondere infelix gemit. Globus iste eum non tangit, nisi unico sui punto, & nihilominus totâ ponderis sui gravitate eum obruit. Damnati quovis momento, inquit Tertullianus, totius *Tertull.*

Ieauarius, prorsus eternitatis pondus sustinent. Eorum animus viderur cum Justitia Divina ad eos torquendos conspirare, &, dum quovis temporis puncto omnia mala iminētia ipsis proponit velut præsentia, totam æternitatem ad eos obruendos colligere ; Quovis temporis momento omnia illa perferunt, quæ formidant ; omnia ea formidant, quæ prævident ; & prævident omnia mala, quæ per totam æternitatem subire debent. Timeamus ea nunc, ut timor iste ijs nos subducere possit. Ad ea timenda plus non est necessarium, quām eorundem meminisse. An non in hanc miseriam delaberemur, si medium non minus tutum, quām efficax ijs nos eximendi negligimus?

III. *Semper, Nunquam.* Quām horrenda verba, ubi de inferorum cruciaribus agitur ! Nullum unquam habere bonum, quod optari possit. Semper, & simul omnia prorsus habere mala, quæ timeri possunt ; semper pati, desperare semper, sperare nunquam posse. Hæc sunt ad quæ damnatus deductum se videt. Hæc sunt, quæ, æternitate inferni comprehenduntur. Post tot sæculorum millions, quot sunt in littore maris arenæ, quot in Oceano aquarum guttæ, in aëre atomi, damnatus ramen

in

In æternitatem se ulterius non progressum *Jangarius.*
esse, quām prima damnationis suæ die; e-
āmq; solummodo inchoare cognoscet. Post-
quām plures lachrymas fuderit, quām ne-
cessariæ forent ad conficiendū Oceanū infi-
nities vastiorem, quām sit modernus, omnes
hæ lacrymæ ardorem ignium ipsius immi-
nuere non poterunt. Eheu! unica lacry-
ma veræ pœnitentiae eos nunc extinguere
nobis potest. O æternitas & quidem æ-
ternitas inferni, quām parūm homines
te credunt! vel quām parūm te compre-
hendunt! hinc fit, ut tam parūm te for-
mident; hinc tam exiguam præcautionem
adhibent, ut te evitent. An æternitatem
hanc credere, ac timere ed differimus, quan-
do immensum ejus sentiemus pondus,
quando præcisa omnium meliorum spe nos
obruet?

Statue nec diem prætermittere, quin æterni-
tatis memineris. Si mundus, si dæmon te ten-
taverit cuiusdam voluptatis, proprij commodi,
aut inanis gloriæ illicio, dic: mereturne id
quod momento transt, ut ad illud obtinendum
in ignem me coniijciam, quo æternū urar?

Cogitavi Dies antiquos, & annos æter-
nos in mente habui. Psal 76. v. 6.

Hic ure, hic seca, hic non parcas, ut in
æternum parcas. Aug.

DIES